

TALKING POINT
BRIG. JEN. DATO' PROF. DR. KAMARUDIN HUSSIN
NAIB CANCELOR
UNIVERSITI MALAYSIA PERLIS
SEMPENA MAJLIS PENYERAHAN SUMBANGAN ZAKAT AFFIN
BANK
PADA 26.02.2013
DI DEWAN KEIKHLASAN, KWSP

Assalamualaikum Warahmatullahi Wabarakatuh, Salam Sejahtera dan Salam Satu Malaysia.

Yang Berbahagia Prof. Dr. Zul Azhar Zahid Jamal, Timbalan Naib Canselor (Akademik dan Antarabangsa) UniMAP

Yang Berusaha Puan Hamidah Abdullah, ***Deposit Bussiness Head Office***

Yang dihormati Encik Abdul Rahim Bin Sharif, ***Branch Manager Affin Bank Kangar***

Yang Berusaha Puan Saodah Hassan, Bendahari UniMAP,

Yang Berusaha En Razli Ahmad, Penolong Naib Canselor Hal Ehwal Pelajar dan Alumni UniMAP

Delegasi-deligasi Affin Islamic Bank Berhad, Ketua-Ketua Jabatan UniMAP seterusnya hadirin yang dihormati sekalian.

PENDAHULUAN

Alhamdulillah, syukur saya panjatkan ke hadhrat Allah SWT atas izinnya jua, majlis yang cukup bermakna ini diadakan dengan lancarnya.

Terlebih dahulu, izini saya mengalu-alukan kehadiran delegasi Affin Islamic Bank Berhad yang diketuai oleh Puan Hamidah Abdullah, ***Deposit Bussiness Head Office*** dan Encik Abdul Rahim Bin Sharif, ***Branch Manager Affin Bank Kangar***. Selamat datang ke Universiti Malaysia Perlis (UniMAP).

Di kesempatan dan peluang ini saya mengambil peluang untuk merakamkan ucapan terima kasih dan penghargaan kepada pihak Affin Islamic Bank Berhad di atas sumbangan zakat berjumlah RM50,000 yang diberikan ini. Pastinya sumbangan ini amat besar ertinya kepada kami dalam usaha kami untuk membantu pelajar-pelajar yang memerlukan bantuan kewangan sepanjang tempoh pengajian mereka di UniMAP.

]

PERMOHONAN PELAJAR

Hadirin dan hadirat sekalian,

Untuk makluman semua pelajar UniMAP yang layak dan beragama islam boleh mengemukakan permohonan melalui Tabung Amanah Zakat UniMAP yang dikendalikan oleh Unit Pinjaman dan Kebajikan Pelajar, Jabatan Hal Ehwal Pelajar UniMAP sekiranya memerlukan bantuan kewangan.

Para pelajar boleh mengemukakan permohonan sepanjang tahun secara online terus kepada unit Pinjaman dan Kebajikan, Jabatan Hal Ehwal Pelajar dan Alumni dan akan diproses mengikut jadual yang telah ditetapkan mengikut semester yang terlibat. Pemilihan dan keputusan permohonan akan diputuskan melalui Jawatankuasa Pemilihan Tabung Amanah Zakat yang akan diadakan dan dipengerusikan oleh Penolong Naib Canselor HEPA.

PERANAN INSTITUSI KEWANGAN

Hadirin dan hadirat sekalian,

Pada hari ini pihak kami berasa amat bertuah sekali kerana buat pertama kalinya pihak Affin Islamic Bank Berhad bakal menyumbangkan wang zakat kepada Universiti Malaysia Perlis. Dan untuk pengetahuan ini adalah merupakan sumbangan pertama yang diterima oleh pihak kami bagi tahun ini daripada institusi kewangan tempatan. Kami melihat peranan yang dimainkan oleh

institusi-institusi kewangan ini banyak membantu dalam membantu pelajar-pelajar miskin dan kurang berkemampuan dari segi kewangan. Pastinya dengan sumbangan ini ramai pelajar yang akan mendapat faedah serta manfaat daripadanya.

Untuk makluman, sehingga kini UniMAP pernah menerima sumbangan zakat seumpama ini dari beberapa institusi yang lain seperti Bank Islam Malaysia Berhad(BIMB), BSN, Baitulmal Perlis, Syarikat Bintong, Bank Muamalat, Etiqa Takaful dan Bank Rakyat sejak Tabung Amanah Zakat ini diperkenalkan pada tahun tahun 2008 .

Berdasarkan rekod, Tabung Amanah Zakat UniMAP telah menerima sejumlah RM 264,000 daripada penyumbang-penyumbang yang disebutkan tadi dan sejak permohonan melalui tabung Amanah Zakat ini dibuka kira-kira seramai 440 orang pelajar telah menerima pengagihan bagi sumbangan wang zakat sekiranya didapati layak serta memenuhi syarat yang ditetapkan oleh Jawatankuasa Pemilihan yang dilantik.

PERANAN UniMAP

Hadirin dah Hadirat sekalian,

Pada masa yang sama juga, selain menyediakan bantuan berbentuk bantuan Zakat, Pihak UniMAP juga ada menerima sumbangan berbentuk '**oneoff**' melalui syarikat-syarikat swasta seperti Pihak I-VCAP Management Sdn Bhd yang diberikan khusus untuk

membantu pelajar-pelajar yang memerlukan. Nilai sumbangan yang diterima pada tahun 2010 ini adalah berjumlah RM200,000.00 dan UniMAP telah berjaya mengagihkan kepada seramai 205 orang pelajar UniMAP yang berkelayakan.

Selain itu, di bawah Unit Pinjaman dan Kebajikan Pelajar juga, terdapat satu lagi Tabung yang diwujudkan iaitu Tabung Amanah Khas UniMAP dimana sumber kewangan diperolehi secara berterusan melalui potongan gaji secara sukarela dikalangan kakitangan UniMAP sendiri dan tujuannya adalah sama cuma pemberian lebih terbuka juga kepada pelajar-pelajar bukan beragama islam untuk memohon. Sehingga kini kira-kira seramai 690 orang pelajar telah menikmati kemudahan ini sehingga Januari 2013.

PENUTUP

Sesungguhnya pihak UniMAP amatlah mengharapkan agar semakin ramai lagi pihak swasta mahupun institusi kewangan yang bermurah hati membantu menyediakan sumbangan dan seterusnya meningkatkan jumlah dana yang ada dan memastikan kelangsungan kepada kewujudan Tabung Amanah Zakat UniMAP ini.

Pada masa yang sama adalah diharapkan semoga jalinan kerjasama antara Affin Islamic Bank Berhad dan UniMAP dapat dikekalkan dan diteruskan di masa-masa akan datang.

Akhir kata, saya sekali lagi mengambil peluang ini untuk mengucapkan terima kasih kepada pihak Affin Islamic Bank Berhad atas sumbangan yang diberikan.

Sekian. Wassalammualaikum Warahmatullahi Wabarakatuh.